

**3 – CILJEVI I POLITIKA TUZLANSKOG KANTONA ZA 2006. GODINU  
IZ OKVIRA NADLEŽNOSTI MINISTARSTVA ZA RAD I SOCIJALNU  
POLITIKU**

1. Realizacija porodičnog smještaja bez roditeljskog staranja kao boljeg oblika socijalne zaštite od postojećeg koji se sastoji u smještaju djece u ustanove socijalne zaštite.
2. Zajednički rad sa Ministarstvom unutrašnjih poslova, tužilaštvom i sudovima na prevenciji maloljetničke delinkvencije kroz sistem preusmjeravanja sa redovnog sudskog postupka na Medijaciju, za djecu koja su došla u sukob sa Zakonom.
3. Stalni stručni nadzor nad radom ustanova socijalne zaštite u skladu sa donesenim Uputstvom i Programom stručnog nadzora.
4. Inspekcijskim kontrolama i nadzorom legalizovati rad 1100 novih uposlenika.

**MINISTAR**

Prof.Vladan Remetić

## **4 – PROGRAM RADA MINISTARSTVA ZA RAD I SOCIJALNU POLITIKU TUZLANSKOG KANTONA ZA 2006. GODINU**

### **I – ODJELJENJE RADA I ZAPOŠLJAVANJA**

#### **IZVJEŠTAJNO ANALITIČKI DIO**

1. Nadzor nad provođenjem Zakona o osnivanju JU Služba za zapošljavanje Tuzlanskog kantona i preduzimanje aktivnosti iz nadležnosti Ministarstva u skladu sa Zakonom.  
**ROK: Kontinuirano tokom cijele godine**
2. Saradnja sa Kantonalnom Službom za zapošljavanje po pitanjima primjene i izvršavanja Zakona o posredovanju u zapošljavanju i socijalnoj sigurnosti nezaposlenih osoba.  
**ROK: Kontinuirano tokom cijele godine**
3. Saradnja i koordinacija sa općinama na području Tuzlanskog kantona po pitanju rada i zapošljavanja.  
**ROK: Kontinuirano tokom cijele godine**
4. Vršenje upravnih i drugih stručnih poslova koji se odnose na prava zaposlenika, zapošljavanje i prava nezaposlenih osoba.  
**ROK: Kontinuirano tokom cijele godine**
5. Drugostepeno odlučivanje po žalbama o izdatim ili oduzetim radnim dozvolama stranih državljana.  
**ROK: Kontinuirano tokom cijele godine**
6. Nastavak aktivnosti Komisije za implementaciju člana 143. Zakona o radu na rješavanju zahtjeva zaposlenika za uspostavljanje radno-pravnog statusa.  
**ROK: Kontinuirano tokom cijele godine**

#### **NORMATIVNO PRAVNI DIO**

1. Izrada Zakona o izmjenama i dopunama Zakona o radu Tuzlanskog kantona, radi usklađivanja sa Federalnim Zakonom o radu.  
**ROK: Po donošenju izmjena i dopuna Federalnog Zakona.**

## II – ODJELJENJE INSPEKTORAT

### IZVJEŠTAJNO ANALITIČKI DIO

Inspektorat rada jedna je od organizacionih jedinica Ministarstva za rad i socijalnu politiku Tuzlanskog kantona. Svoj program rada u 2006. godini će usmjeriti na kontrolu i to:

Inspektori rada – oblast radnih odnosa će vršiti inspeksijske nadzore kod pravnih i fizičkih lica (u građevinskoj, drveno –prerađivačkoj, zanatskoj, mašinskoj, zdravstvenoj, trgovinskoj i drugim djelatnostima) na dosljednoj primjeni Zakona o radu, kao i kontroli primjene Općeg i granskih kolektivnih ugovora, sa posebnim osvrtom, da li su poslodavci sa zaposlenicima zaključili pojedinačne ugovore o radu, da li su prijavljeni Fondu penzijskog osiguranja, da li se redovno isplaćuju plaće, da li se i kako vode matične evidencije o zaposlenicima i dr.

U toku 2006. godine planiramo da će inspektori za oblast radnih odnosa izvršiti 4200 nadzora, od kojih 3000 redovnih, dok bi se ostali nadzori odnosili na kontrole izvršenja preduzetih upravnih mjera (kontrole izvršenja pismenih rješenja o otklanjanju nedostataka, kontrole usmenih i pismenih naloga i dr.). Takođe treba istaći da i u 2006. godini (kao što je to bilo i u prošloj 2005. godini) zbog tehnoloških, ekonomskih viškova, veći broj zaposlenika će ostati bez posla, te očekujemo da će ova inspekcija imati povećan broj intervencija, koje se odnose na zaštitu prava po osnovu rada.

I dalje će se kontinuirano vršiti kontrole privatizovanih preduzeća koja su bila državno, odnosno društveno vlasništvo i o tome redovno podnositi informacije Vladi TK-a.

Kada su u pitanju nadzori od strane inspekcije rada – oblast zaštite na radu ova inspekcija će u 2006. godini kontrolisati subjekte koji obavljaju privrednu (mašinsku, elektro, građevinsku, zanatsku i dr.) djelatnost kod pravnih i fizičkih lica. Nadzori će biti usmjereni na kontrolu primjene Zakona o zaštiti na radu, podzakonskih i općih akata i to posebno kontrolu primjene lične i kolektivne zaštite, posebno na radnim mjestima sa posebnim uslovima rada (mikroklimatski uslovi, prašina, rad na visini i dr.), kontrola ispravnosti sredstava rada, atesti električnih instalacija, periodične ljekarske preglede zaposlenika, koji obavljaju poslove na radnim mjestima sa posebnim uslovima rada i dr.

U 2006. godini planiramo da inspektori za oblast zaštite na radu izvrše ukupno 3100 nadzora, od kojih 2600 redovnih i 500 kontrolnih.

Inspektori za zaštitu na radu će takođe u slučaju težih povreda na radu i kod smrtnih slučajeva, izlaziti na lice mjesta radi vršenja uviđaja.

Inspektori rada će u narednoj godini sa tržišnim, šumarskim, zdravstvenim i drugim inspektorima, vršiti povremene zajedničke kontrole pravnih i fizičkih lica i svako iz svoje nadležnosti preuzimati upravne mjere u skladu sa zakonom.

Pored naprijed navedenog, inspektori rada planiraju da u 2006. godini svojim nalogima (u slučajevima gdje zateknu angažovana lica da nisu radno angažovana u skladu sa zakonom) koje će izdavati poslodavcima, legalizuju rad novih 1100 zaposlenika, odnosno da ih poslodavci prijave Fondu PIO i Zavodu zdravstvenog osiguranja TK-a.

U cilju efikasnijeg rada, planiramo da se u 2006. godini povremeno uvede rad u smjenama. I dalje će se naizmjenično vršiti izmjenjivanje inspektora za pojedine općine na nivou Kantona.

Na kraju napominjemo da ovaj program nije obuhvatio, odnosno konkretizovao nadzore prostorno i vremenski (po općinama i po mjesecima), budući da će se planovi praviti sedmično u toku jednog mjeseca iz razloga što inspekcijski nadzori u izvjesnom smislu trebaju biti tajna. U više navrata se dogodilo da neka planirana akcija bilo od strane ovog inspektorata ili zajednička akcija sa inspektorima drugih ministarstva ne postigne željeni efekt, jer netko prije obavijesti subjekte kontrole, koji vješto izbjegnu nadzor, zatvaranjem objekta, sklanjanjem robe ili odstranjivanjem nezakonito angažovanih lica.

Ministarstvo za rad i socijalnu politiku će Vladi TK podnositi i periodične izvještaje o radu Inspektorata i to:

1. Izvještaj o radu za period 01.01.2006. godine do 31.03.2006. godine

**Rok: maj 2006. godine**

2. Izvještaj o radu za period 01.01.2006. godine do 30.09.2006. godine.

**Rok: novembar 2006. godine**

### III – ODJELJENJE SOCIJALNE I DJEČJE ZAŠTITE

#### NORMATIVNO PRAVNI DIO

1. Zakon o osnivanju Zavoda za socijalnu zaštitu Tuzlanskog kantona  
**ROK: oktobar 2006. godine**
2. Izrada Zakona o izmjenama i dopunama Zakona o socijalnoj zaštiti, zaštiti civilnih žrtva rata i zaštite porodice sa djecom ("Službene novine Tuzlanskog kantona", broj: 12/00, 5/02 i 13/03), a radi usklađivanja sa Federalnim Zakonom čije su izmjene i dopune donesene i koje su u fazi donošenja.

**Rok: septembar 2006. godine (sa odstupanjem zavisno od datuma objavljivanja izmjena i dopuna Federalnog Zakona).**

3. Izrada provedbenih akata na Zakon o socijalnoj zaštiti, zaštiti civilnih žrtva rata i zaštite porodice sa djecom.

**Rok: kontinuirano 2006. godine**

**Obrazloženje programskog zadatka**

Nakon usvajanja Zakona o izmjenama i dopunama Zakona o socijalnoj zaštiti,

zaštiti civilnih žrtva rata i zaštite porodice sa djecom, potrebno je donijeti provedbene akte za primjenu Zakona i to:

- Uputstvo o evidenciji korisnika usluga ustanova socijalne zaštite, vrsti pruženih usluga, te načinu i rokovima dostavljanja izvještaja Ministarstvu;
- Uputstvo o načinu, evidenciji i primjeni jedinstvenih obrazaca u postupku ostvarivanja prava iz socijalne zaštite, zaštite civilnih žrtava rata i zaštite porodice sa djecom.

**Rok: oktobar 2006. godine**

**IZVJEŠTAJNO ANALITIČKI DIO**

1. Analiza stanja u oblasti socijalne i dječje zaštite na području Tuzlanskog kantona i program mjera i aktivnosti za preventivnim djelovanjem.  
**ROK: oktobar 2006. godine**
2. Stručni nadzor nad radom ustanova socijalne zaštite i centara za socijalni rad Tuzlanskog kantona.  
**ROK: kontinuirano tokom cijele godine**
3. Drugostepeno odlučivanje po izjavljenim žalbama protiv prvostepenih rješenja za oblike socijalne zaštite.  
**ROK: kontinuirano tokom cijele godine.**
4. Provedba aktivnosti iz «Državnog akcionog plana za djecu – period 2002 - 2010. godine. Aktiviranje porodičnog smještaja i hraniteljstva uopće.  
**ROK: kontinuirano tokom cijele godine.**
5. Održavanje i unapređenje uspostavljene jedinstvene baze podataka i transfera sredstava iz Trezora prema korisnicima putem pošte za osnovne oblike socijalne zaštite  
**ROK: Kontinuirano tokom cijele godine.**

6. Prevencija maloljetničke delikvencije u partnerstvu sa NVO u cilju preusmjeravanja sa redovnog sudskog postupka i uvođenje instituta «Medijacije».

**ROK: Kontinuirano tokom cijele godine.**

MINISTAR,

Prof. Vladan Remetić